



National Agricultural Research Institute

Pasin bilong lukautim rais i redi long katim

Yu ken rait i go long adres sapos yu laikim dispela buk

The Research Programme Leader
National Agricultural Research Institute
Wet Lowlands Mainland Programme – Bubia
P.O. Box 1639
LAE 411
Morobe Province

Telephone: (675) 475 1066/475 1228
Facsimile: (675) 475 1034
Email: nariwmp@nari.org.pg



NARI TOKTOK

RGP003 (P)

Revised May 2006

Tok i go pas

Sapos yu no lukautim o holim gut rais we yu bin katim, rais i ken bagarap. Dispela pepa i soim sampela rot we yu ken bihainim long bungim na kisim planti gutpela rais.

1. Wei bilong katim na bungim ol bun bilong rais

Katim rais wantaim bun na holim i nap han i pulap. Putim antap long bun bilong rais i stap yet long graun. Wokim olsem tasol inap olgeta rais yu katim pinis.

Sapos em taim bilong san, lusim ol rais yu katim pinis inap wanpela o tupela dei. Dispela bai helpim rais long drai na mekim isi long karim.



2. Wei bilong bungim ol bun i gat rais sid

Yu ken bungim ol bun bilong rais wantaim sid olsem piksa i soim.



2.1. Bungim long wanwan nekpas

Bungim wanwan nekpas rais yu katim na putim long ples i klin na drai.

2.2. Bungim raunim

Bungim raunim ol bun bilong rais long sekol. Ol het bilong bun bilong rais i lukluk i go insait long sekol. Hipim ol bun i go antap mak yu inap kisim. Dispela bai i mekim isi long yu kisim bun bilong rais long as bilong em na patim long rausim sid.



2.3 Bungim olsem bet

Sanapim fopela stik long wanwan kona bilong holim ol bun bilong rais. Bungim ol bun bilong rais namel long ol fopela stik. Ol het bilong bun bilong rais i mas stap long wanpela sait.

